

FairWild

Standard

Verzija 2.0

**Odobren od strane FairWild Odbora 26. Avgusta 2010.
godine**

**Objedinjava Međunarodni Standard za Održivo Sakupljanje
Samoniklog Ljekovitog i Aromatičnog Bilja (ISSC-MAP) Verzija 1.0,
2007 i
FairWild Standarde Verzija 1, 2006**



Slike na naslovnoj stranici: Michler, Pätzold, Cunningham, Cunningham (gornji red)
Strohbach, Schippmann, Schippmann (donji red)

Ovaj dokument, i drugi dokumenti u vezi sa ovim Standardom su dostupni na FairWild web stranici: www.FairWild.org.

Za više informacija kontaktirati:

FairWild Foundation Secretariat
CH-8570 Weinfelden, Weststr. 51
Switzerland
Tel: +41-(0)71-626 0 626
Fax: +41-(0)71-626 0 623
e-mail: info@FairWild.org

Komentari u vezi sa FairWild Standardom: Verzija 2.0 su dobrodošli. Molimo da upite i komentare uputite na: info@FairWild.org

Prevod: Rankica Bahtijarevic

Prevod finansiran od strane: Traditional Medicinals Inc.

Citati: FairWild Foundation. 2010. *FairWild Standard: Version 2.0*. FairWild Foundation, Weinfelden, Switzerland.

©FairWild Foundation, Switzerland

Dozvoljeno je **reproduciranje** ovog dokumenta u obrazovne i druge nekomercijalne svrhe, ili za internu upotrebu od strane korisnika FairWild Standarda bez prethodne pisane saglasnosti nosioca copyright prava pod uslovom da je izvor u potpunosti obavješten.

Zabranjeno je **reproduciranje** ovog dokumenta radi prodaje ili u druge komercijalne svrhe bez prethodne dozvole nosioca copyright prava.

Zahvala

Kreiranje FairWild Standarda: Verzija 2.0 je rezultat zajedničkih napora velikog broja organizacija i pojedinaca koji su uložili znanje, vrijeme i stručnost sa ciljem da se razmotri kako omogućiti da trgovanje samoniklim biljem bude više održivo.

Proces revizije Standarda velikodušno je podržala Federalna Agencija za očuvanje prirode Njemačke (Bundesamt für Naturschutz, BfN) i WWF Njemačke. Zahvaljujemo osoblju Instituta za Marketekologiju (IMO) za njihov doprinos u kreiranju i testiranju izvedbenih indikatora FairWild Standarda: Verzija 2.0, kao i Međunarodnoj Akademiji za očuvanje prirode, lociranoj na ostrvu Vilm, Njemačka, koja je bila domaćin nekoliko radionica koji su doprinijeli ovom Standardu.

Praktično testiranje Standarda na terenu je obezbijeđeno kroz saradnju projekata koje je podržalo Ministarstvo za ekonomsku saradnju i razvoj Njemačke (Bundesministerium Für Wirtschaftliche Zusammenarbeit, BMZ), EU-Kina Projekat Biodiverziteta (EU-China Biodiversity Project - ECBP), Švicarski Program Promocije Uvoza (Swiss Import Promotion Programme - SIPPO), WWF Njemačke, Tradicionalni Lijekovi, Martin Bauer GmbH & Co., Forum Essenzia e.V., ProFound, Kuendig AG, Bahnhof-Apotheke Kempten, IUCN Južna Amerika, IUCN/SSC Grupa Specialista za Ljekovito Bilje (Medicinal Plant Specialist Group), Fondacija za Revitalizaciju Lokalne Tradicije u Zdravstvu (Foundation for Revitalisation of Local Health Traditions FRLHT) Indija, Međunarodni Centar za Integrirani Razvoj Planina (International Centre for Integrated Mountain Development - ICIMOD) Nepal and TRAFFIC. FairWild Fondacija je radila sa zajednicama, zadrugama sakupljača, istraživačkim institucijama, vladinim agencijama i kompanijama uključenim u sakupljanje, prerađivanje i prometovanje samoniklimih proizvoda. Njihov suštinski doprinos u procesu revizije je bio od ogromnog značaja.

Proces revizije su pokrenuli članovi Tehničkog Komiteta FairWild Fondacije uz vođstvo Nadzornog Odbora FairWild Fondacije.

Sadržaj

Zahvala	iii
Sadržaj	iv
1 Uvod	1
1.1 Primjena i Svrha	1
1.2 Struktura FairWild Standarda: Verzija 2.0	3
2 FairWild Standard: Verzija 2.0	4
2.1 FairWild Principi i Kriteriji Operacija Sakupljanja	4
SEKCIJA I: SAKUPLJANJE SAMONIKLIH BILJAKA I KONZERVACIJSKI ZAHTJEVI	4
SEKCIJA II: ZAKONSKI I ETIČKI ZAHTJEVI	4
SEKCIJA III: SOCIJALNI I FAIR TRADE ZAHTJEVI	5
SEKCIJA IV: MENADŽMENT I POSLOVNI ZAHTJEVI	6
2.2 FairWild Principi i Kriteriji za Kupce Proizvoda Samoniklog Bilja	6
Reference	7
AneKS 1. Akronimi I Skraćenice	8

1 UVOD

1.1 Primjena i Svrha

FairWild Standard: Verzija 2.0 primjenjuju operati koji se bave sakupljanjem samoniklog bilja koje žele da pokažu posvećenost održivom sakupljanju, socialnoj odgovorosti i fair-trade principima. Ovaj Standard objedinjava Međunarodni Standard Održivog Sakupljanja Samoniklog Ljekovitog i Aromatičnog Bilja (International Standard for Sustainable Wild Collection of Medicinal and Aromatic Plants - ISSC-MAP) Verzija 1.0 (MPSG 2007), i FairWild Standarde Verzija 1 (MEINSHAUSEN I SAR. 2006) u sveobuhvatan FairWild Standard za održivo sakupljanje samoniklog bilja.

Svrha FairWild Standarda je da osigura kontinuitet upotrebe i dugoročno preživljavanje samoniklih vrsta i populacija u njihovim staništima uz poštovanje tradicije i kulture i podršku dobrobiti svih učesnika, a naročito sakupljača i radnika.

Povećani zahtjevi za prirodnim proizvodima u sektoru hrane, kozmetike, wellness-a i ljekovitih satojaka postavlja velike ekološke i socialne izazove. Trenutni pritisak komercijalnog sektora na sakupljanje samoniklih biljnih vrsta, za koji se očekuje da se u budućnosti intenzivira, može ugroziti preživljavanje populacija i vrsta i ugroziti lokalne eko sisteme. Vlade, poslovni ljudi i potrošači priznaju da smanjenje dostupnosti i gubitak ovih samoniklih resursa ugrožava zdravlje i privredu na široj osnovi i podriiva dobrobit sakupljača koji vrlo često pripadaju najsiromašnijim društvenim grupama u zemlji porijekla. Ekološki, društveni i ekonomski ciljevi moraju biti ispunjeni, i mora biti definisana najbolja praksa koja će omogućiti da sakupljanje samoniklih biljaka bude održivo. FairWild Standard je osmišljen da ispuni ove izazove.

FairWild Standard premoćava jaz između postojećih brojnih smjernica o konzervaciji i etičkih kodeksa na jednoj strani i planova sakupljanja-upravljanja kreiranih za pojedine vrste i lokalne uslove na drugoj. Usvajanje Principa i primjena Kriterija FairWild Standarda će pomoći da private kompanije, vladine agencije, istraživački centri i zajednice identificiraju i prate dobre prakse za slijedećih jedanaest ključnih elemenata održivog sakupljanja bilja:

1. Održavanje resursa samoniklog ljekovitog i aromatičnog bilja
2. Sprečavanje negativnih uticaja na okoliš
3. Usklađivanje sa zakonima, regulativama i sporazumima
4. Poštovanje običajnih prava i podjela koristi
5. Promoviranje fer ugovornih odnosa između operatora i sakupljača
6. Ograničavanje učešća djece u aktivnostima sakupljanja samoniklog bilja
7. Osiguranje koristi za sakupljače i njihove zajednice
8. Osiguranje fer radnih uslova za sve radnike uključene u operacije u vezi sa sakupljanjem samoniklog bilja
9. Primjena odgovornih praksi upravljanja
10. Primjena odgovornih poslovnih praksi
11. Promoviranje posvećenosti kupca

Djelokrug FairWild Standarda: Verzija 2.0, uključuje sastojke herbalnih lijekova i druge botaničke proizvode koji potiču od samoniklog bilja:


- ✓ Biljke, dijelove biljaka i proizvode biljaka sakupljene iz prirodnih staništa
- ✓ Gljive i lišajevе sakupljene iz prirodnih staništa

Primjenljivost FairWild Standarda na vrste izvan ovog djelokruga (kao što su kultivirane, naturalizirane, invazivne ili ponovo uvedene vrste) mora biti određena od slučaja do slučaja¹. Životinje i proizvodi životinja kao što su vosak i med su isključeni.

FairWild Standard je dizajniran tako da se primjenjuje na široku lepezu geografskih, ekoloških, kulturalnih, ekonomskih uslova u kojima se odvija sakupljanje samoniklih biljnih vrsta. On se primarno odnosi na sakupljanje samoniklih biljnih vrsta koje se koriste u komercijalne svrhe, a ne za osiguranje života ili lokalnu upotrebu malih razmjera.

FairWild Standard definiše okvirne Principe i Kriterije koji se mogu primijeniti na menadžment samoniklih vrsta i njihovih staništa i istovremeno promovira društveno odgovorne poslovne prakse. FairWild Fondacija prepoznaje da će biti neophodni različiti pristupi kod primjene da bi se ostvario suštinski pozitivan uticaj na održivost sakupljanja samoniklih biljnih resursa i podrži širok spektar koristi u pogledu zdravlja i dobrobiti koji zavise od održive upotrebe samonikluh vrsta (Slika 1.). Ovi FairWild Principi i Kriteriji mogu da budu korišteni da:

- obezbjeđe smjernice za menadžment resursa
- podrže implementaciju postojećeg regulatornog i političkog okvira (kao što su nacionalni sigurnosni i okolišni zahtjevi i nacionalna posvećenost internacionalnim konvencijama)
- služe kao osnova za interni monitoring i izvještavanje (dobrovoljne kodekse prakse)
- podrže FairWild sistem certifikacije.



Slika 1. Pristupi implementaciji FairWild Standarda: Verzija 2.0

FairWild Standard predstavlja dokument koji se stalno razvija. Periodične revizije će se bazirati na iskustvu implementacije, a kroz potpunu javnu konsultaciju sa akterima.

¹ Dalje smjernice će biti obezbjeđene od strane FairWild Foundation na njihovoj web-stranici (www.FairWild.org) ili na zahtjev (info@FairWild.org).

1.2 Struktura FairWild Standarda: Verzija 2.0

Verzija 2.0 FairWild Standarda prati funkcionalnu hijerarhiju komponenti u skladu sa podjelom navedenom u Tabeli 1.

Tabela 1. Funkcionalna diferencijacija komponenti Standarda

Element	Opis
Standard	Set pravila razvijenih za pravljenje koncepta, primjenu i/ili evaluaciju dobrih upravljačkih praksi.
Princip	Fundamentalni zakon ili pravilo koji služi kao osnova za rezonovanje i akciju. Principi su eksplicitni elementi cilja.
Kriterijum	Stanje ili aspekt procesa ili sistema koji bi trebao biti primjenjen kao rezultat privrženosti principu. Način na koji je kriterijum formulisan bi trebao podstaći sud o stepenu usklađenosti u datoj situaciji.
Indikator	Kvantitativni ili kvalitativni parametar koji može biti verificiran radi ocijene usaglašenosti operacija u skladu sa kriterijumom. U FairWild sistemu svaki indikator (kontrolna tačka) opisuje različite nivoe usaglašenosti da bi se olakšao proces kontrole i dozvolilo demonstriranje postepenog napretka.

Prilagođeno iz LAMMERTS VAN BUEREN and BLOM (1997)

FairWild Standard: Verzija 2.0, ima 11 Principa i 29 Kriterija koji se odnose na ekološke, socialne i ekonomske zahtjeve održivog sakupljanja samoniklog bilja. Oni su nabrojani u Poglavlju 2 ovog dokumenta. Izvedbeni indikatori navedeni u pratećem dokumentu (FWF 2010b) koriste se kao kontrolne tačke za ocjenu napretka u pravcu implementacije Principa i Kriterija FairWild Standarda, kao osnova za verifikaciju i internu provjeru kao i za FairWild certifikaciju putem neovisnih tijela akreditiranih od strane FairWild Fondacije. Detaljne vanjske procedure kontrole, minimum zahtjeva za certifikaciju i informacije o označavanju proizvoda i upotrebu FairWild logo-a se mogu dobiti od FairWild Fondacije.

2 FAIRWILD STANDARD: VERZIJA 2.0²

2.1 FairWild Principi i Kriteriji Operacija Sakupljanja

SEKCIJA I: SAKUPLJANJE SAMONIKLIH BILJAKA I KONZERVACIJSKI ZAHTJEVI	
Princip 1. Očuvanje Resursa Samoniklih Biljaka <i>Sakupljanje samoniklog ljekovitog i aromatičnog bilja biće obavljeno u onoj razmjeri, tempu i na način koji dugoročno održava populacije i vrste.</i>	
1.1	Konzervacijski status ciljanih vrsta Status očuvanja ciljanih vrsta i populacija je procijenjen i redovno razmatran.
1.2	Sakupljačka praksa zasnovana na znanju Prakse sakupljanja i upravljanja zasnivaju se na adekvatnoj identifikaciji, mapiranju, inventarisanju, procjeni i monitoringu ciljane vrste i uticaja sakupljanja.
1.3	Održivost stepena sakupljanja Stopa (intenzitet i frekvencija) sakupljanja ciljanih resursa dugoročno ne premašuje sposobnost ciljane vrste da se regeneriše.
Princip 2. Preveniranje Negativnih Uticaja na Okoliš <i>Negativni uticaji na druge samonikle vrste, sakupljačka područja i susjedne oblasti, nastali kao rezultat sakupljanja bilja će biti spriječeni.</i>	
2.1	Osjetljive vrste i staništa Rijetke, vrste koje su pod prijetnjom i ugrožene vrste i staništa na koja će aktivnosti sakupljanja i upravljanja ljekovitim biljem vjerovatno imati uticaja su identifikovane i zaštićene.
2.2	Upravljanje staništem (nivo krajolika) Aktivnosti upravljanja koje podržavaju sakupljanje samoniklih ciljanih vrsta nemaju negativan uticaj na raznolikost ekosistema, njegove procese i funkcije.
SEKCIJA II: ZAKONSKI I ETIČKI ZAHTJEVI	
Princip 3. Usklađenost sa zakonima, regulativama i sporazumima <i>Sakupljanje ljekovitog bilja i aktivnosti upravljanja resursom će biti sprovedene u skladu sa legitimnim vlasničkim odnosima u skladu sa relevantnim zakonima, regulativama i sporazumima.</i>	
3.1	Posjed, nadležnost upravljanja i prava korištenja Sakupljači i menadžeri imaju čisto i priznato pravo i ovlaštenje da koriste i upravljaju ciljanim resursima.
3.2	Zakoni, propisi i administrativni zahtjevi Sakupljanje i upravljanje ciljnim resursima je u skladu sa svim međunarodnom sporazumima te sa nacionalnim i lokalnim zakonima, propisima i administrativnim zahtjevima, uključujući i one koji se odnose na zaštićene vrste i područja.
Princip 4. Poštovanje običajnih prava i podjela koristi <i>Običajna prava lokalnih zajednica i autohtonog stanovništva da koriste i upravljaju sakupljačkim područjima i ciljanim resursima samoniklog ljekovitog bilja će biti priznato, poštovano i zaštićeno.</i>	
4.1	Tradicionalna upotreba, prava pristupa i kulturno naslijeđe Lokalne zajednice i autohtono stanovništvo koje ima zakonsko vlasništvo ili običajno pravo na korištenje zadržavaju kontrolu nad operacijama sakupljanja u mjeri neophodnoj da se zaštite njihova prava, tradicionalno znanje ili resursi.
4.2	Podjela koristi Sporazumi sa lokalnim zajednicama i autohtonim stanovništvom se zasnivaju na odgovarajućem i adekvatnom znanju o vlasništvu nad ciljnim resursima, pravima pristupa, zahtjevima upravljanja i vrijednosti resursa. Sporazumi osiguravaju fer i jednaku podjelu koristi svim uključenim stranama.

² Riječnik termina koji se koriste u FairWild Standardu: Verzija 2.0 je uključen u izvedbene indikatore u pratećem dokumentu (FWF 2010b).

SEKCIJA III: SOCIJALNI I FAIR TRADE ZAHTJEVI

Principle 5. Promoviranje Fer Ugovornih Odnosa između Operatora i Sakupljača

Sakupljači imaju strukturu i pristup informacijama potrebnim da za predstavljanje njihovih interesa i učešće u donošenju odluka vezanim za FairWild Premiju. Nema diskriminacije određenih grupa kao sakupljača.

5.1 Fer ugovorni odnosi

Ekonomski odnos između kompanije i sakupljača je fer i transparentan i omogućava sakupljačima da budu uključeni u donošenje važnih odluka kao što je korištenje premije i sklapanje sporazuma o cijenama.

5.2 Nema diskriminacije sakupljača

Nema diskriminacije sakupljača na osnovu rase, boje, etničke pripadnosti, religije, spola ili političkog stava, a žene se potiču da se registrišu kao sakupljači.

Princip 6. Ograničavanje učešća Djece u Aktivnostima Sakupljanja Samoniklog Bilja

Aktivnost sakupljanja i prerade se provodi bez značajnog radnog doprinosa djece.

6.1 Djeca i mladi sakupljači

Sa djecom se ne sklapaju ugovori kao sakupljačima. Mladi sakupljači nikad ne rade opasan posao.

6.2 Sakupljači koji sklapaju ugovor sa djecom radi rada na sakupljanju

Sakupljači ne sklapaju ugovor sa djecom kao radnicima koji pomažu kod sakupljanja ili prerade.

6.3 Djeca pomažu svojim roditeljima kod sakupljanja

Djeca obavljaju veoma ograničen rad oko sakupljanja i to samo pod nadzorom.

Princip 7. Osiguranje koristi sakupljačima i njihovim zajednicama

Posrednici u trgovini su svedeni na minimum, sakupljačima se osigurava fer cijena za sakupljenu robu i podstiče se razvoj društvene zajednice kroz sredstva koja se ostvare kroz fond FairTrade premija.

7.1 Fer cijene i plaćanje sakupljača

Operacije sakupljanja³ osiguravaju da se sakupljačima dugoročno plaća u skladu sa fer cijenama tako da se zahtijeva transparentna kalkulacija troškova, sakupljači uključuju u odlučivanje o cijenama, trgovinski lanac održava što kraćim i osigurava pravovremeno plaćanje sakupljačima.

7.2 Upotreba i administriranje FairTrade Premije

Čim se dobije bilo koja FairTrade premija, ona se transparentno doznachava u fond premija, a za donošenje odluke o upotrebi odgovorna je organizacija sakupljača, predstavnici komisije sakupljača ili opunomoćeni FairWild odbor sa mješovitim članstvom.

Princip 8. Osiguranje Fer Uslova Rada za Sve Radnike Operatora Sakupljanja Samoniklog Bilja

Operacije sakupljanja osiguravaju dobre uslove rada za sve radnike operacija sakupljanja samoniklog bilja.

8.1 Bazična prava rada za osoblje operacija sakupljanja samoniklog bilja

Operacije sakupljanja samoniklog bilja poštuju bazične ljudske vrijednosti i osnovna prava svih radnika.

8.2 Sigurna radna sredina za sve radnike operacija sakupljanja samoniklog bilja

Obezbijediti će se sigurna i higijenska radna sredina imajući na umu znanje koje prevladava o industriji i o bilo kojoj specifičnoj opasnosti.

8.3 Fer uslovi zaposlenja za zaposlene u operacijama sakupljanja samoniklog bilja

Operacije sakupljanja samoniklog bilja djeluju kao društveno odgovoran poslodavac i obezbijeduju dobre uslove zaposlenja.

³ Operacije sakupljanja = firma, kompanija koja se bavi sakupljanjem samoniklog bilja (prim. prev.)

SEKCIJA IV: MENADŽMENT I POSLOVNI ZAHTJEVI

Princip 9. Primjena Odgovorne Prakse Menadžmenta/Upravljanja

Sakupljanje ciljnih vrsta će biti bazirano na prilagodljivoj, praktičnoj, participativnoj i transparentnoj praksi upravljanja

9.1	Plan upravljanja vrstama / područjem Plan upravljanja vrstama / područjem definiše prilagodljive, praktične procese upravljanja i dobru sakupljačku praksu
9.2	Inventarisanje, procjena i monitoring Upravljanje sakupljanja samoniklog ljekovitog bilja podržano je adekvatnim i praktičnim inventarisanjem resursa, procjenom i monitoringom uticaja sakupljanja.
9.3	Implementiranje održivih mjera sakupljanja od strane sakupljača Operacija sakupljanja samoniklog bilja osigurava da samo trenirani/educirani i kompetentni sakupljači sakupljaju ciljne resurse i monitoriraju/prate efektivnu implementaciju primjenjivih Uputstava za sakupljanje od strane sakupljača.
9.4	Trening i gradnja kapaciteta Menadžeri resursa i sakupljači posjeduju odgovarajuće vještine (trening, nadzor, iskustvo) kako bi sproveli odredbe plana upravljanja i uskladili ih sa zahtjevima ovog Standarda.
9.5	Transparentnost i učešće Aktivnosti sakupljanja se odvijaju na transparentan način, poštujući plan upravljanja i implementaciju, uz dokumentiranje i dijeljenje informacija i uključivanje aktera.

Princip 10. Primjena Odgovornih Poslovnih Praksi

Sakupljanje samoniklih resursa će se poduzeti radi podrške zahtjeva kvaliteta, finansijskih i zahtjeva slijedivosti tržišta, ali bez žrtvovanja održivosti resursa.

10.1	Specifikacije Tržište/kupac Održivo sakupljanje i rukovanje ciljnim resursima je vođeno i planirano u skladu sa zahtjevima tržišta kako bi se spriječilo ili minimiziralo sakupljanje proizvoda za koje je malo vjerovatno da će biti prodani.
10.2	Slijedljivost Skladištenje i rukovanje resursima ljekovitog bilja vodi se na način koji podržava slijedljivost od područja sakupljanja do prodaje.
10.3	Finansijska postojanost i odgovorni odnosi kod prometovanja Podržavaju se mehanizmi koji osiguravaju finansijsku postojanost sistema održivog sakupljanja ciljnih resursa samoniklog bilja.

2.2 FairWild Principi i Kriteriji za Kupce Proizvoda Samoniklog Bilja

Princip 11. Promoviranje Posvećenosti Kupca

Kupac FairWild proizvoda (npr. uvoznik) teži uspostavi obostrano korisnih dugoročnih trgovinskih odnosa sa operacijama sakupljanja samoniklog bilja baziranih na poštovanju, transparentnosti i pružanju podrške dobavljaču u pogledu aspekata kvaliteta.

11.1	Obostrano korisni trgovinski odnosi Kupac nastoji da zadrži dugoročne trgovinske odnose sa dobavljačem i podržava dobavljača putem informiranja, treninga i povoljnih trgovinskih odnosa.
11.2	Fer cijene i FairWild Premija Kupac FairWild proizvoda plaća fer cijenu i FairTrade premiju radi omogućavanja društvenog razvoja zajednice sakupljača

REFERENCE

- FWF. 2010a. *FairWild Standard: Version 2.0*. FairWild Foundation, Weinfelden, Switzerland.
- FWF. 2010b. *FairWild Standard: Version 2.0. Performance Indicators*. FairWild Foundation, Weinfelden, Switzerland.
- LAMMERTS VAN BUEREN, E.M., AND E.A. BLOM. 1997. *Hierarchical Framework for the Formulation of Sustainable Forest Management Standards*. The Tropenbos Foundation, Leiden, The Netherlands.
- MPSG. 2007. *International Standard for Sustainable Wild Collection of Medicinal and Aromatic Plants (ISSC-MAP)*. Version 1.0. Bundesamt für Naturschutz (BfN), MPSG/SSC/IUCN, WWF Germany, and TRAFFIC (BfN-Skripten 195), Bonn, Gland, Frankfurt, and Cambridge.
- MEINSHAUSEN F, S. WINKLER, R. BÄCHI, F. STAUBLI, AND K. DÜRBECK. 2006. *FairWild Standards, Version 1 (11/2006)*. FairWild Foundation, Weinfelden, Switzerland.

ANEKS 1. AKRONIMI I SKRAĆENICE

ABS	Access and benefit-sharing / Pristup i podjela koristi
BfN	Bundesamt für Naturschutz / Federalna Agencija za očuvanje prirode Njemačke
BMZ	Bundesministerium Für Wirtschaftliche Zusammenarbeit / Ministarstvo za ekonomsku saradnju i razvoj Njemačke
CBD	Convention on Biological Diversity / Konvencija o biološkom diverzitetu
CITES	Convention on International Trade in Endangered Species of Wild Fauna and Flora / Konvencija o međunarodnom prometu ugroženim vrstama divlje faune i flore
CSR	Corporate Social Responsibility / Korporativna Društvena Odgovornost
ECBP	EU-China Biodiversity Project / EU-Kina Projekat Biodiverziteta
FWF	FairWild Foundation / FairWild Fondacija
FRLHT	Foundation for Revitalisation of Local Health Traditions / Fonadcija za Revitalizaciju Lokalne Tradicije Liječenja
GACP	Good Agricultural and Collection Practices / Dobra Poljoprivredna i Sakupljačka Praksa
GMP	Good Manufacturing Practices / Dobra Proizvođačka Praksa
GSPC	Global Strategy for Plant Conservation / Globalna Strategija za Očuvanje Biljaka
ICIMOD	International Centre for Integrated Mountain Development / Međunarodni Centar za Integrirani Razvoj Planina
IMO	Institute for Marketecology / Institut za Marketekologiju
INGOs	International non-government organisations / Međunarodne nevladine organizacije
ISSC-MAP	International Standard for Sustainable Wild Collection of Medicinal and Aromatic Plants / Međunarodni Standard Održivog Sakupljanja Samoniklog Ljekovitog i Aromatičnog Bilja
IUCN	International Union for Conservation of Nature / Internacionalna Unija za Očuvanje Prirode
MAP	Medicinal and aromatic plant / Ljekovito i Aromatično Bilje
MPSG	Medicinal Plant Specialist Group of the IUCN/SSC / Grupa Specialista za Ljekovito Bilje IUCN/SSC
SIPPO	Swiss Import Promotion Programme / Švicarski Program Promocije Uvoza
SSC	Species Survival Commission / Specijalna Komisija za Preživljavanje
UN	United Nations / Ujedinjene Nacije